

խաչապաշտ թագաւորը, որի աղջիկն առնում է կուսապաշտ թագաւոր [№ 10, էջ 995—996 (14—15)]:

Բոլոր Ադրամելիթի և Սանասարի գրոյցը բովանդակող փոփոխակներէց № 1, 3, 4, 6, 8, 10, 12, 13, 14 և 16, մանաւանդ վերջնից, պարզ երևում է որ այդ Հայոց թագաւոր է, իսկ № 13-ը արդէն ունի «Պապ Կապուտկողի թագաւոր»: Արդ սլ է այդ Ղոււմրիկը, որ հայ թագաւորը կամ գոնեա իշխանն է: Եւ որովհետեւ մեր հայ թագակիրներն մէջ չկայ մի այնպիսի անուն, որ թէկուզ հեռաւոր նմանութիւն ունենար այս անունն, ուստի ես մտածում էի նախ քան № 17-ի գոյութիւնն իմանալս այսպէս: Մեր վէպում թագակիրները կոչուում են համարեա միշտ քաղաքների անունով. Կաղզուանու ամիրայ, Բաղըտու խալիֆայ (№ 1), Կապուտկողի թագաւոր (№ 10) Մսրայմելիթ և այլն. և ինչպէս պաշտօնի անուն արարելէն ամիրայ բառը մի տեղ որ և է անհասկանալի պատճառով դարձել է անձնանուն Ամիրան¹, այնպէս էլ կարող էր Կապուտկողի տեղ բռնել է—Ը. դարերում նոյն կողմերը արդէն յայտնի Կումայրի-Կիւմրին, այժմ Ալեքսանդրապոլ: Բայց Կումրիի թագաւորը Կումրի հնչուելով փոխուել դարձել է Կումրիկ, ինչպէս հիմի, հիմիկ, պստի, պստիկ. իսկ Կումրիկը հնչուել է Ղոււմրիկ. ինչպէս որ ցարդ հայերն ասում են Կուրբան, լուրբան, Կուրան և Ղուրան, որ և համարուել է անձն, թագաւոր: Արդ № 17-ի «Հայոց խաչապաշտ թագաւոր Կումբի»-ն դալիս է միանգամայն հաստատուել մեր այդ ենթադրութիւնը, որ ժամանակին միայն ծանօթներին ժպիտն էր յարուցանում²:

Կումրի թագաւորի դուստր Մանիշակի անցքը, որին նման են և այլ փոփոխակներ, մեզ յիշեցնում է Տիգրանուհու (և Աժդահակի) գրոյցը, և այս կարծիքին ոյժ է տալիս դիւցազնուհու այս կամ այն դիւցազնի քոյր լինելը (№ 1, 6, 12, 13 և մեր այս 17-ը):

1. «Կապուտկողի Ամիրանի մօտ... ասաց Ամիրան» որ ունի նետեւեալ ծանօթութիւնը. «Գաւթի հաները, Խանդուժ-Խաթունի հայրը» (Գր. Բալասան, Պատիկ Մհեր. VII, էջ 7. Բաժում 1904):

2. Նոր-Բայազիդի հայոց դպրոցի ուսուցիչ Աարգիս Նասիպեանցն ինձ պատմեց, որ իւր պապը Գորու գաւառի Ախալ-Սոփէլի դիղից. Անուց գաղթածներ, ասում է եղել. «Երբ մենք թողեցինք Կումբի գնալ եւ աղօթել, մեր գործն այլեւս յաջող չէ գնում. իսկ մերոնք. սրղի, գնում էին ՕՃԻ աղօթելու»: Այսպէղից երեւում է մասամբ եւ հասկանալի դառնում Կումրիի նշանակութիւնը մեր վէպում այլ եւ այն, որ Կումբին եւ Օնին, այսինքն Անին, նոյնն են համարուել կամ մէկը միւսի տեղ բռնել. ինչպէս որ Բարելունի տեղ Բաղդասար. սորա տեղ Մուսուլը, որ եւ շփոթուել է եւ ծուլուել Մսրայ՝ Աղիպտոսի հետ եւ այլն: